

PRAG

3 NOĆENJA - BUS PROGRAM

23.11. - 28.11.2022.

339,00 KM

PROGRAM PUTOVANJA

1. Dan, (23.11.2022-Srijeda) SARAJEVO – OSIJEK – BUDIMPEŠTA

Polazak autobusa sa dogovorenog mjesta u podnevnim satima. Putovanje preko BiH, Hrvatske i Mađarske sa usputnim pauzama po potrebi grupe. Noćna vožnja.

2. Dan, (24.11.2022-Četvrtak) KRSTARENJE VLTAVOM I OBILAZAK GRADA

Dolazak u „Zlatni Prag“ u jutarnjim satima. Odlazak do Čehovog mosta odakle ćemo krenuti na fakultativni izlet koji je neizostavan dio turističke ponude ovog grada a to je krstarenje rijekom Vltavom u trajanju od 1h. Uz zvuke čuvene kompozicije „Vltava“ koju je napisao Bedrih Smetana, uživaćemo u panorami Male Strane, Hradčana, uzvišenja Letna i Petrin, Karlovog mosta koji je savršen primjer češke gotike u režiji Karla IV, najvećeg metronoma na svijetu koji je podignut na mjestu gdje se nalazila kolosalna statua Staljina, Klementinuma, Narodnog pozorišta i mnogih drugih atrakcija ovog grada koji još nazivaju i Grad stotinu tornjeva.

Nakon krstarenja slijedi smještanje grupe u hotel (moguće tek poslije 14h). Planirano je vrijeme za odmor grupe (cca 2h). Odlazak do grada (NAPOMENA: gradskim prijevozom) i fakultativni obilazak centralnih gradskih znamenitosti: Vaclavske namesti sa spomenikom Sv. Vaclava, Obecni dum i Prašna brana, Staromestske namesti, Tinova crkva, Stara gradska kuća, Astronomski sat – Orloj, spomenik Janu Husu. Ali to nije sve!

Ipak je ovo malo drugačiji Prag tako da će Vam vodič pokazati i zanimljivu stranu grada koja nije u standardnim turističkim obilascima. Obiđite mjesto gdje se spalio češki student Jan Palah, palatu Lucerna gdje se nalazi konjanički spomenik Sv.Vaclava koji stoji obrnuto i rad je ekscentričnog umjetnika Davida Černija, mural Nikole Tesle, kino Svetozor koje je dugo vremena bilo kabare, „Metamorfoza“ spomenik Francu Kafki, statuu In utero koja potvrđuje ekscentričnost umjetnika Davida Černija, itd.

Nakon obilaska, slobodno vrijeme za uživanje u jednom od najljepših gradova na svijetu. Povratak u hotel. Noćenje.

3. Dan, (25.11.2022-Petak) HRADČANI I FABRIKA PIVA „KOZEL“

Doručak. U standardnim turističkim ponudama, obilazak Hradčana podrazumijeva samo šetnju kroz kraljevski kompleks: Hradčanski trg, Nadbiskupska palata, spomenik Tomasu Masariku, smjena straže, palata Schwarzenberg, palata Sternberg, katedrala Sv.Vita, bazilika Sv.Đorđa.

Naš fakultativni izlet je koncipiran na „neobičan“ način i uključuje ulaznicu u najveći kraljevski kompleks na svijetu. U sklopu obilaska ulazimo u crkvu Sv.Vita gdje ćete vidjeti grobnicu Sv.Vaclava, jednog od najvoljenijih čeških valdara kojeg je ubio njegov brat Boleslav, ulazimo u Staru kraljevsku palatu gdje se nalazi kraljevska kruna za koju Česi vjeruju da je ukleta, zatim u Leopoldovo krilo odakle su sa prozora bacali svećenike za vrijeme religioznih ratova, a nakon toga ulazimo u crkvu Sv.Đorđa gdje je sahranjena Ljudmila, baka Sv.Vaclava koju su ubili tako što su je zadavili njenim šalom. Obilazak kompleksa ćemo krunisati ulaskom u Zlatnu ulicu gdje su alhemičari u srednjem vijeku pokušavali stvoriti zlato od običnih metala a takođe je mjesto gdje kratko živio Franz Kafka.

Nakon obilaska Hradčana, uputićemo se prema starom dijelu grada a usput ćemo obići i dvorište muzeja Franca Kafke gdje se nalazi neobična fontana Davida Černija te se slikati ispred zida Džona Lenona.

Obilazak završavamo na Karlovom mostu, jednom od najvećih simbola grada, za koji se veže veliki broj legendi i anegdota.

Za naše putnike smo spremili još jedan izlet koji ovaj program čini unikatnim a to je posjeta fabrici piva Kozel koja se nalazi nadomak Praga.

Ovaj fakultativni izlet uključuje prijevoz, ulaznicu za fabriku piva Kozel kao i jednu degustaciju piva u sklopu

samog obilaska. Izlet počinjemo vožnjom do fabrike koja se nalazi u predgrađu Praga a na putu do tamo ćete čuti jako zanimljivu historiju piva kao i zanimljivosti vezane za ovo piće koje su konzumirali bogovi nordijske, egipatske, sumerske, keltske, grčke pa i slavenske mitologije.

Nakon dolaska u kompleks fabrike, obilazak počinjemo sa lokalnim vodičem u centru za posjetioce uz interesantna objašnjenja. Nastavljamo šetnju kroz živopisno dvorište, ulazimo u prostorije gdje se upoznajemo sa sirovinama i načinom proizvodnje jednog od najkvalitetnijih i najpopularnijih piva u Češkoj.

Poslušati ćemo priče o porodici Ringhoffer koja je osnovala fabriku, posjetiti staru varionicu piva koja datira iz 1928. godine te degustirati nefiltrirano Kozel pivo koje se toči na unikatan način. Na kraju obilaska ćemo upoznati i najinteresantnijeg "stanovnika" fabrike a to je jarac Olda (kozal je jarac na českom) koji predstavlja maskotu pivare. Slobodno vrijeme unutar pivnice koja nudi pivo i češku kuhinju po jako povoljnim cijenama. Nakon posjete kompleksu, povratak u hotel. Odmor i slobodno vrijeme za individualne aktivnosti. Noćenje.

4. Dan, (26.11.2022-Subota) DRESDEN (alternativno KARLOVE VARY)

Doručak. Nakon doručka organizujemo fakultativni odlazak u glavni grad njemačke savezne države Saksonije a to je nezaobilazni Dresden. Zbog svog izuzetnog kulturno-historijskog značaja poznat je pod imenom "Firenca na Elbi" a čuven je i po građevinama iz doba baroka i umjetničkim zbirkama. Grad u potpunosti razrušen od strane saveznika krajem Drugog svjetskog rata, izronio je iz svog pepela kao feniks i postao jedan od najljepših gradova Evrope. Najpoznatija obilježja grada su: Altmarkt – stari gradski trg, Semper opera, palata Cvinger, Katedrala, Augustov most, Galerija starih majstora sa djelima Rafaela, Rubensa, Botičelija, crkva Frauenkirche. Nakon obilaska slobodno vrijeme za šoping i individualne aktivnosti. Poslijepodnevni povratak u Prag.

U večernjim satima mogućnost zajedničkog odlaska u jednu od čeških pivnica/restorana (U Pavouka, U Fleku, Staromestska Restaurace). Noćenje.

5. Dan (27.11.2022-Nedjelja) CHECK OUT IZ HOTELOVA I TEREZIN

Doručak. Check out iz hotela. Fakultativna posjeta kompleksu Terezin koji je izgrađen u 18-tom vijeku od strane habzburškog vladara Josifa II kako bi lakše mogao braniti Prag od neprijatelja. Terezin će postati zloglasna tvrđava koju će koristiti Austro-Ugarska za obračunavanje sa neistomišljenicima a sličnu primjenu će imati i za vrijeme nacista kao koncentracioni logor. Ovdje je od gladi, bolesti i torture život izgubilo 37.000 Jevreja, Rusa, čeških rodoljuba. O tome svjedoči i velika izložba u muzeju koji se nalazi u zgradi u kojoj je stanovalo 120 SS čuvara. Sivi hodnici, avetinjskog izgleda, su svjedoci stradanja velikog broja ljudi. Ovdje je svoju kaznu služio i Gavrilo Princip zbog ubistva Franca Ferdinanda, vjerovatno i najpoznatiji zatvorenik sablasnih ćelija.

Nakon obilaska ovog kompleksa, povratak prema Pragu, kompletiranje grupe i polazak prema BiH. Vožnja kroz Češku, Slovačku, Mađarsku i Hrvatsku.

6. Dan (28.11.2022-Ponedjeljak) BiH

Dolazak u BiH u ranim jutarnjim/podnevnim satima.

U cijenu je uključeno:

- Bus prijevoz na relaciji Sarajevo – Prag – Sarajevo
- 3 noćenja sa doručkom u dvokrevetnoj ili trokrevetnoj sobi u hotelu Ilf 3* u Pragu
- Usluge iskusnog pratioca grupe/vodiča tokom putovanja

Hotel Ilf 3* Hotel Ilf 3* se nalazi u gradskoj četvrti dijela Praga pod nazivom Prag 4. Hotel je solidne usluge i komfora. Odlična lokacija je naglašena blizinom metro stanice (cca 100 metara), a oko hotela se nalaze i brojne prodavnice kao i kafići i restorani.

U cijenu nije uključeno:

- Individualni troškovi
- PZ osiguranje - 2,00 KM po danu (do 60 godina) / 4,00 KM po danu (60-70 godina)

- PCR test ili antigen test (ukoliko isti bude potreban za ulazak u republiku Češku na dan putovanja)
- Eventualna boravišna taksa koja se plaća na recepciji hotela na licu mjesta
- Fakultativni (neobavezni) izleti:
 - Krstarenje Vltavom - 15,00 EUR
 - Razgledanje Praga - 10,00 EUR (sa uključenom kartom za gradski prijevoz u jednom pravcu)
 - Hradčany „A“ - 10,00 EUR (standardni obilazak)
 - Drezden - 25,00 EUR (alternativno odlazak u Karlove Vary – izbor izleta zavisi od restriktivnih mjera u saveznoj pokrajini Saksoniji u vrijeme realizacije putovanja)
- Novi fakultativni izleti:
 - Hradčany „B“ - 20,00 EUR (uključena ulaznica u muzejski kompleks i usluge obaveznog lokalnog vodiča)
 - Fabrika piva Kozel - 15,00 EUR
 - Terezín - 20,00 EUR (uključuje prijevoz, ulaznicu i usluge obaveznog lokalnog vodiča)

NAZIV PAKETA	Regularne cijene	Cijena paketa sa popustom
PAKET IZLETA (HRADČANY "A")	95,00 EUR	85,00 EUR
PAKET IZLETA (HRADČANY "B")	105,00 EUR	95,00 EUR

VAŽNE NAPOMENE:

- Za ulazak u republiku Češku u trenutku objavljivanja ovog programa nisu bile potrebne COVID 19 potvrde! Do datuma polaska na ovo putovanje moguće su promjene uslova putovanja, a u vezi sa COVID 19 protokolom, o čemu bi putnici bili blagovremeno obavješteni.
- Za ovo putovanje potrebno je posjedovati BH pasoš sa validnošću od minimum 3 mjeseca od datuma planiranog povratka sa putovanja. Putnici sa stranim pasošima dužni su se sami informisati o uslovima putovanja.
- Putnička agencija zadržava pravo da izmjeni cijenu putovanja za odgovarajući iznos u slučaju promjene cijene prijevoza i nedovoljnog broja prijavljenih putnika ili da otkáže putovanje najkasnije sedam dana prije polaska na putovanje.
- Preporučujemo uplatiti putničko-zdravstveno osiguranje za vrijeme puta i boravka u inostranstvu.
- Program nije prikladan za osobe sa smanjenom pokretljivošću ili osobe koje zahtijevaju korištenje WC-a u autobusu.
- Organizator putovanja nije odgovoran za gužve na granicama, u gradovima i prilikom ulaska u objekte koji se posjećuju.
- Predviđene pauze tokom vožnje okvirno su svakih 2-2,5 sata izuzev u noćnim satima kada pauze mogu biti rjeđe.
- Uplatom akontacije putnik prihvata Opšte uslove putovanja.
- Minimalan broj putnika za ovo putovanje je 45.
Ako se na ovo putovanje ne prijavi dovoljan broj putnika, agencija zadržava pravo da isto otkáže i to najkasnije 7 dana pred putovanje, te da putnike obavjesti o otkazu putovanja.
- Agencija zadržava pravo promjene fakultativnih izleta (rasporeda i sadržaja) ukoliko za to ima neophodno pravo uslijed eventualnih nepredviđenih okolnosti na ovom putovanju.
- Agencija zadržava pravo promjene cijene fakultativnih izleta ukoliko za to ima neophodno pravo uslijed eventualnih značajnih promjena cijena usluga na destinaciji. Agencija je dužna putnike obavjestiti o promjenama cijena fakultativnih izleta prije polaska na putovanje.
- Organizator putovanja uslijed nepredviđenih okolnosti može promijeniti redoslijed planiranih obilazaka.
- Za sve aranžmane važe „Opšti uslovi putovanja“ PUTNIČKE AGENCIJE.